

# Sotpela histri long Womens Intanesenel De Lukluk Bek

**P**LANTI kantri i save selebretim Intanesenel Meri De long olgeta hap long wol. Em i de we ol meri i save selebretim mak bilong ol long wol na lotu, kalsa, tok ples, ikonomik na politikol samting i nogat mining.

Em i taim long lukluk bek long ol hat wok na ol win stori na bikpela samting, long lukluk long taim i kam long ol sans ol meri long bihain taim bai i gat.

Long 1975, long Intanesenel Meri Yia, Yunaitet Nesens i stat long selebretim Intanesenel Meri De long 8 Mas. Tupela krismas bihain, long mun Disemba 1977, Jenerel Asembli i kamapim tingting long wanpela Yunaitet Nesens De long ol Rait bilong Meri na Intanesenel Bel isi we ol memba kantri i ken luksave long en long wanpela de ol i laik luksave long en long olgeta yia. Long kamapim dispela tingting, Jenerol Asembli i luksave long wok bilong ol meri insait long kamapim bel isi, developmen na tingting strong long pinisim pasin we daunim ol man na kamapim moa sapot bilong wok bung bilong ol meri long ol samting.

## Statim

Intanesenel Meri De i stat long ol ektiviti bilong wok muvmen bilong man long tanim bilong 20th senseri long Not Amerika na Yurop.

1909: Namba wan Nesenel Meri De i kamap long Amerika long namba 28 de long mun Febueri. Soselist Pati bilong Amerika i luksave long dispela de long yia 1908 we ol meri husat i samapim klos i straik long bik siti Nu Yok bilong ol hevi bilong wok bilong ol.

1910: Soselis SIntanesenel kibung long Kopenhagen (Jemeni) i kamapim wanpela

Meri De, we i gat Intanesenel samting, long luksave long muvmen long rait bilong meri na long kamapim sapot long painim wol luksave long ol meri. Tingting i bin kisim bikpela sapot insait bilong kibung we i gat moa long 100-pela meri long 17-pela kantri. Dispela kibung i bin gat tripela meri husat i stap long Palamen bilong Finlen. Nogat de i bin raitim long makim dispela kibung.

1911: Long Kopenhagen tingting, Intanesenel Meri De i bin makim long namba wan taim (19th Mas) long Austria, Denmak, Gemini na Swasilen we moa long 1 milien man na meri i bungim planti sapot. Antap long rait long vot na holim pablik opis, ol i tok strong long ol rait bilong meri long wok, vokesenel training na pinis long pasin long daunim man long wok.

1913-1914: Intanesenel Meri De i kamap wanpela hap wei long toktok strong long Wol Wo 1. Long bel isi muvmen, ol meri bilong Rasa i luksave long namba wan Intanesenel Meri De bilong ol long laspela Sande long mun Febueri. Long arapela hap long Yurop long namba 8 de long mun Mas o taim namel long dispela long yia i go bihain, ol meri i holim ol bung long tok strong egensim wo o long tokaut long sapot bilong ol wantaim ol arapela grup.

1917: Egensim wo, ol meri bilong Rasa i tingting gen long toktok strong na straik long "Bret na Bel isi" long laspela Sande long mun Febueri (we i pundaun long 8th Mas long Gregorian kalenda). Bihain long foapela de, Czar (hetman bilong gavman bilong Rasa) ol i bin rausim na provisenel gavman i givim rait bilong ol meri long vot.

Long dispela taim, Intanesenel

Meri De i kisim nupela wol lukluk long ol meri long kantri we i kamap pinis na long ol kantri we i wok long kamap yet. Intanesenel meri muvmen i wok long kamap we i kisim strong long foapela wol Yunaitet Nesens kibung bilong ol meri. Dispela i helpim long mekim mak long kamapim sapot long rait bilong ol meri na hap wok bilong ol insait long politikol na ikonomi. Moa na moa, Intanesenel Meri De i taim long lukluk bek long samting we i kamap, long mekim senis na long selebretim wok long kisim strong na hat wok bilong ol meri husat i wokim bikpela wok insait long stori long ol kantri bilong ol na long ol komyuniti.


## Yunaitet Nesens na Jenda Ikwality

Hap luksave pepa bilong Yunaitet Nesens (UN) we ol i sainim long 1945 i namba wan Intanesenel agrimen long tok-save long tingting bilong wan kain tretimen namel long ol man na meri.

Bihain long dispela taim, UN i helpim long kamapim stori we bai go het moa long kamapim Intanesenel agrimen tingting, stendet, progrem na taget long kirapim ol meri long wol.

Long ol yia we i kam na go, UN na ol teknikel ejensi bilong ol i save promotim hap wok bilong ol meri olsem wan kain patna bilong ol, ol man long kamapim sastenabol developmen, bel isi, sekyuriti na rispek long rait bilong man.

Wok long strongim ol meri i go yet we i kamap bikpela samting bilong wok bilong UN long luksave long sosel, ikonomik na politikol salens long olgeta hap long wol.



AFRICA MERI BUNG: Saut Afrika, Kep Taun. Bung bilong Intanesenel de bilong ol meri. *Photographer Eric Miller, Panos Pictures.*